

虎谷集

行

第一



04976

博趣齋稿卷之五

梁榆 虎谷王雲鳳應韶文著

過順德望虎谷山

攬吾轡兮登彼崇邱望太行兮酸風兩眸山谿谿兮
鬱鬱膠木上飛雲兮下虎谷大陸曠兮漳水淺清我
心夷猶兮我馬悲鳴

宿虎谷

我本山林性誤遊入塵埃弱冠別里開十年始一來
家人聞我至促灑床頭酹父老見我喜相顧忽以哀

虎谷集

卷五

一

自言老未死死者在哉籬間過炙鷄山色映尊壘
隣翁曳杖至傾倒盡餘杯但知醉為慰叫咤不相猜
飲罷出柴門遊戲陟崔嵬崗巒盛松栢瞻眺久徘徊
何時不復去浩歌心肝摧

鴈南飛

懷白巖公作

鴈南飛南飛鴈何之望君君不見見鴈增我悲獨立
西風看鴈飛金臺風冷遊人稀秋光欲盡胡不歸

我峩石櫃山有枸杞頌浙中施母也

二章

我峩石櫃於越之望載環載抱惟施之鄉惟施壽母

惟山斯久有子佻離豈無旨酒豈無弟昆曷不欣欣
安得出遊逐彼飛雲曷羽翼置我兩腋逐彼飛雲
我心則懌

其二

山有枸杞水有菊英以飲以食壽考以寧瞻彼楓山
鬱鬱朝夕乃降厥靈值於其域如金如石如松如栢
惟施壽母自求多福彩衣僊僊以鼓以絃惟施壽母
象服百年

思德華

虎谷集

卷五

二

秋夜長如年秋月涼如水思君不可見心到秋江裏
沐頭

一月不沐頭髮根生巨蝨漢業數百年刑臣宜爾出
古別離

中夜有所思所思君不知春風吹露草秋風催霜枝
所以別離人悠悠負心期別離非所惜年華難再得
只恐君來時妾已無顏色妾已無顏色君寧無歎息

虎谷野步

登山巔兮風裂我裳野多怪石兮我足爲傷衆怪予

之去不返谷口白雲兮芝明光

虎谷

深山草木稠結廬向虛敞盡日無人至禽鳥互來往
讀書心力倦手曳青藤杖出門何所之獨坐盤石上
山頭白雲生我心自蕭爽田父驅犢來喜道桑麻長

題蟠桃五子圖

送靜夫侍郎祝其壽且有子也

有贈柴墟以畫者我一見之羨其雅雲開霧豁雙眼
明如步瑤池之上下紅桃綠葉掩映中綠者愈綠紅
愈紅開花結子幾千載二子三子窈相從柴墟自少
虎谷集 卷五 三

苦多病伊川晚歲筋力盛商瞿當有五丈夫人心所

向天心應

送喬亞卿希太禱雨泰岳東海

有序

正德庚午正月至五月不雨民用怨咨禾稿

於野漕河湮塞餽運不至戶部左侍郎喬君

奉命禱雨於岱宗於沂山於東海用幣禮也

君子謂君宜將是事而君若有重負焉心在

國與民也往年嘗同君遊華山君飄然有塵

外之想今茲行乃古人之所願而不可得至

有吾何修之嘆者安能無所樂耶予嘗獨登
泰山踏天門之白雲倚日觀之老樹歷覽無
際庶幾觀天地之方圓今君之往予又安得
無感耶於是作歌贈君

喬君東行將登泰山放瑯邪至東海往年登華山其
興今十倍丈夫出疆豈惟游衍吟眺之樂固有心乎
天下蒼生者在天子憂旱徧羣神制帛官香韜以綵
喬君將之敬無怠定有滂沱之雨遍萬里而雲猶巖
巖飛艘帆影見參差夜發歌聲聞欵乃更看禾黍生
虎谷集

卷五

四

意足亦有寇盜迷心悔但恨不得與君同此行一舒
眼外之浩蕩吐胸中之穢磊但當紀君行曰時正德
五載

題畫龍爲李生鏞作

神龍不是尋常物吞吐元氣滿胸腹老角嵌岩聳碧
峯巨鱗錯落雕元玉有時奮起走太空滿天雲霧雷
以風倘逢大旱思霖雨須爾來收造化功

刑曹副郎劉天瑞旣沒之三年其子翰林舜卿

以輓詩手卷求詩予讀而悲之題以大書曰

宿草哀情次杭僉憲古詩韻五首

正德丙寅秋笑談二三友憶君如昨日死別亦已久
意欲尋君墓傍誰忝忝吟成輓君詩不忍出諸紳

其二

訪君巷西頭頗記灰白墻君病已數日強飲不盡觴
豈意成死別英骨埋何鄉

其三

吾家與君家世交本同鄉我今來京師君名空芬芳
憶君飄然姿如鸞鶴飛翔眼中不見君鬱鬱結中腸

虎谷集

卷五

五

其四

君昔來京日我去已多時偶復一到京人人誦君詩
君詩今猶在綠水芙蓉枝豈但工於詩亦復妙於詞

其五

我昔迎母喪卧病舟中床聞君柩去遠已過青縣旁
夕陽慘淡中痛哭不覺長今欲哭君墓秋風宿草荒

題愛日樓

世恩事母今白頭邀我爲賦愛日樓愛日之心不易
說我欲把筆且復休未來之日恐難得已過之日恨

不留絲服常爲萊子舞
扳輿時作潘郎遊
白髮慈顏樓上住
畫棟彩簷雲氣度
我願更種蟠桃樹
從此年華不知數

固安令程侯頌

惟山有雲惟苗之焚
侯來如雨匪民不欣
侯來何暮我衣我哺
我田有防我野成聚
惟侯遑遑惟民用康
曷冠之身以待我皇

虎谷集

卷五

六

博趣齋稿卷之六

梁榆

虎谷王雲鳳應韶父著

送提學陳文鳴陞湖廣叅政三首

教化久陵夷，黷序多聚戲。澆風相扇騰，文辭取科第。

道德日以衰，貪讒為賢哲。叶征利切夫人有深憂，甄陶先

孝弟坦坦正學途。諄諄義與利，冥冥雲霧天。皎皎日

月麗

其二

夫子好修姱，被服多椒蘭。儼然登我堂，論古成浩歎。

虎谷集

卷六

古人既已遠，古道良獨難。有酒共斟酌，日暮風雨寒。

風雨一以別，疑竇萬重山。目送南翔鴈，江湖何渺然。

其三

雨多禾黍瘁，青蕪滿院生。饑雀何處來，嘖嘖簷前鳴。

經旬不出門，但聞吏黠兵。如何田舍子，化為虎縱橫。

楚人性慄悍，邑里多動勦。吾儒有化理，化理先耕桑。

張敞至冀州盜賊一時平

題平水書室歌

姑射西來擁律峯，下有平泉清瀟瀟。地靈只恐隔乾

坤境幽但覺饒歲月飄飄仙子或驂鸞往往古八曾
築室聞君買田託以志逃世誅茅筮之吉爲閭幽庵
足幾椽堪貯奇書盈萬幟碧松枝老巢鶴雙素壁堂
空挂一瑟新稼香梗歲十千遠眺遊童春六七紅塵
不入利名樊青山獨抱烟霞疾別餘十載夢屢勞望
斷千里愁難述朝川已付良工圖浣花重借騷人筆
虞翻元無媚人相諸葛自有傲世膝富貴安能賴軒
冕爾我終當向蓬蓽

題澤永悲詩

虎谷集

卷六

二

偉哉秦侍御白面生玉彩立於天子庭峩峩冠鐵豸
朝罷長安路諸僚見者駭御史心遑遑曰我樂不在
毋存父何之子貴親不待况有舊時書欲讀淚先灑
父書藏篋中於今二十載此悲詎有涯終身未能解
移孝作爲忠古亦有明楷

題五清書舍

五首

經訓齋

六經以載道道之原在天求道於遺經乃程朱大賢

芝蘭室

往在芝蘭室久已化其芬今爲玉堂客芳名乃爾馨
朝陽軒

軒中有童子而能慕紫陽紫陽亦未遠努力期同翔
玩芳臺

羣花忽以放今春似去春吾心亦活物生生仁者人
引而未發

韋齋能訓子千載有遺風欲識五清意君看數語中
虎谷十八詠

虎谷

虎谷集

卷六

三

山高虎勢猛谷深山更高晝靜虎卧穩清風滿林皇
厚德山 王氏祖塋之山

避盜入山來山深午初曙山下聞語聲半山有人住
石門峽 祖塋在上

山根連地厚山嶮插天虛忠孝堪傳世休談風水書
印臺山 祖塋前山名

千山掩映間凜凜見孤峻此道久寂寥誰哉傳正印
四樹一株 塋有四樹合爲一株

四子各種樹樹根合爲一下有一樹根上有枝千億

筆峯山

誰縛碧嶙峋時時染綠雲萬里天平濶寫成星斗文

南虎谷

山杳春晝長柴門蔭綠樹家家人不在都向田中去

南虎谷水

杖藜信步行不覺過前浦悠然坐忘歸一霎豆花雨

明樓纏

音戰極高且險

童子導我行身輕逐飛鳥天風耳畔多人寰眼中小

石獅

虎谷集

卷六

四

幾認莓苔字字畫多不全白頭識字人云是至正年

閩門

日暮西雲匝草長山路微門前看兒女挑菜滿籃歸

黃榆嶺

林深虎豹多山高風雨怪聞有山東賊縣吏來修寨

登雲嶺

大司徒王公未第時過林嶺假寐
土地廟前臺土神曰此登雲嶺也

有水便有山有山便有水我涉復我登作易理如此

懸空寺

上有千仞崖下有千仞崖山僧聞客至山下採山茶

新泉 墳之東岡正德八年忽有泉湧出

山翁看泉來拄杖入青林不觀其流遠安知其源深
凝道軒

大書凝道軒主人方乾乾德性與問學二者不可偏
看山樓

野曠多芳草天低足白雲樓前看山久此味也難聞

山窰

童子倚洞口無語意自閑先生洞中坐頭戴萬重山

虎谷集

卷六

五

博趣齋稿卷之七

梁榆 虎谷王雲鳳應韶父著

近體

送南京給事中樂平李宗岳時三原王公新至
聖主近徵元老至蒼生還倚諫臣多太行晝日迎衣
錦建業春風擁棹歌稷契他年吾有望唐虞今世子
如何東亭物色添離思樽酒空時背綠波

登泰山

日觀天門相掩映六月爽氣成清秋謝安初試登山
虎谷集 卷七 一

展李白何須飲酒樓雲盡長空天似蓋水通四海地
如舟一自尼翁下山後世人都作等閑遊

陽河道中挽王總兵璽

將軍雄畧在天山五載牙旗照虎閑瓦刺遠驚頻徙
帳中原高卧久開關聞名空在十年外見面無由數
日間瘦馬腐儒徒抱恨獨揮清淚野雲寒

悼洪太守其先在宋有爲少師者

未老歸田世或疑由來泉石赴幽期高明我愛今循
吏華胄人傳宋少師公藝閭門經幾世康成詩禮有

諸兒蕭蕭隴木秋風裏正是行人洒淚時

次韻贈邵國賢守許

二首

獨步君登第相逢我拜師爲州姑去去入座憶時時
剽劇應多暇徵賢定不遲古人如可學白首共襟期

其二

始羨儒爲郡無勞吏作師文高真復古心苦爲憂時
賞有湖如故鳴聞鳳未遲淮陽何可薄父老正深期

西山

懸崖綠樹陰坐久晝蕭森舊路皆塵跡閑雲繫野心

虎谷集

卷七

二

泉聲鳴別澗鳥影落平林欲吸龍潭水攀蘿上遠岑

贈長蘆宗運使廷威

萬竈曾聞煮海勞誰知國計亦秋毫漢家鹽鐵因人

重故遣郎官出地曹

玉泉亭次石邦彥韻

三首

八駿西遊何處蹤白頭僧老記曾逢雲邊羽蓋擎仙
掌樹裏樓船駕海龍日下晚山投宿鴈煙迷秋浦渡
寒鐘紅蓮似抱美人恨愁倚霜風憔悴容

其二

亭前歌舞散無蹤野鼠沙禽到處逢水殿蒼茫秋草
樹石壇寂寞夜蛟龍千山香霧諸仙洞十里斜陽兩
岸鐘却憶漢皇成底事壯年遊樂竟衰容

其三

石上題名認墨蹤春遊在歲記闕逢竹還幽館排銀
榜波擁長橋動彩龍近入水鄉聞社鼓遠尋山寺聽
齋鐘錦帆翠輦無消息獨對荒臺一愴容

送孟仲平陝西屯田僉事

璽書初下建章宮諸將邊頭已望風秦甲連營金窟

虎谷集

卷七

三

北漢屯分畝玉關東山埋凍雪侵雲白水落寒巖繞
澗紅聞道羌酋今款塞須將耒耜變刀弓

羌酋詩綜
作西羌須

將句詩綜作莫
留魏尚久雲中

次韻送李天瑞 三首

臨岐各下淚行千鴈入寒雲斷復連海上逐臣非偶
爾沙頭愁客正茫然孤忠結主終當合壯志逢人不
受憐莫向湘魂吊遺恨道窮今日已多年

其二

山水登臨路幾千知音誰更是成連我方求道慚無

待君每逃名恐未然再出當時人欲殺三辭今日帝
應憐劔文莫遣塵埃蔽期在青林白髮年

其三

蠻方一謫五年餘讀盡人間未讀書幾向夜天看北
斗偶同秋月步前除詩如漢魏人難學道似關閩子
不居却憶柳州堪共笑投荒餼欲羨慵踈

陸孝子割股有序

割股事蓋起於唐陳藏器人肉愈疾之說信
有之則固孝子慈孫不能自己者然鄂人之

虎谷集

卷七

四

對不取於昌黎予以為此當論親疾之緩急
原人心之誠偽未可執毀傷絕滅之一端使
孝子慈孫坐視其親於藥石不救之地而不
敢自盡也少師李先生序陸生及昌黎而與
鄂人蓋以勸天下之孝耳

奔忙何處問軒岐閱盡圖書總未奇良藥有方神入

夢

孝子夢神告以割股

此身無計肉為醫人言孝績千年傳我

愛心堪百世師莫遣昌黎還對鄆澆風今起少師悲

訪婁原善迷路

朝回無暇待晨食日午南溪更北原地有高人愁屢
問館隣幽寺憶曾言襄城七聖眞迷路剡水孤舟不
到門惆悵紫陽二三策微辭何日靜中論

慶成宴次邵國賢喬希大聯句韻

閭闔辰開簇錦筵赭袍光耿翠簾前旌旗隊合雲霞
繞簪珮班分鵠鷺聯殿外輕風吹暖氣觀頭祥日散
晴烟東曹獨羨連雙壁宴罷新詩已自傳

贈婁原善歸江西次韻二首

吳船南去覓江干誰爲蒼生挽謝安羣謗不曾污蕙

虎谷集

卷七

五

苒孤懷長是託猗蘭手編經史傳家學身戀山林傲
俗官同甫有才難可比比君同甫却非難

其二

近來顏學賴君支幾聽微言入耳稀路熟城南連日
到夢隨江上一春飛買舟不跨郎官馬逃世還栽處
士衣欲卜著書何處好南屏山色翠成圍

邀胡寒泉

秋光滿院葉落木寒鶴步苔身似束童子剥瓠烹欲
熟請君閑看新栽竹

慰盧溝橋道旁寺

興共春來澁愁隨水去長寒沙當道白平野隔河蒼
民物今幾甸山川古戰場兒童舊遊地夾岸雨垂楊
過保定

南北此車馬江山幾俊英逢壺百花嶼風月兩溪亭
波淨流天色沙飛作雨聲蒼茫兵甲地弔古有餘情
汴梁有感

霸主荒臺猶突兀隋隄殘柳正蕭疎耕夫不識市朝
處野寺猶存宮殿餘土慣悲歌豪俠地土含腥血戰
虎谷集
卷七
六
爭墟抱城濁浪勞宸慮漢策今慚總不如

朱仙鎮次邵國賢韻

塞草飄零一劔秋欲從海底起神州南來詔下軍前
急北向師忘閫外謀少保高名原未死相公羞骨不
堪讐荒祠凜凜蒼松下孤憤令人髮豎頭

錦衣獄書壁 四首

壁孔燈光照地眠鐸巡聲急夜悠然心閒更覺乾坤
大業廢惟愁歲月捐成敗付天難逆覩忠貞在我自
須堅十年只爲君恩重空負青山山下泉

其二

一榻陰房昏霧烟去來縲綬步蟬聯敢於獄牘言無
罪却遇朝紳訝有緣

時鴻臚卿張俊等亦同逮至

望久瞳矇開戶

鎖坐殘楫柚擁爐磚不知憂患今何日得句揮毫總
豁然

其三

枵枯胥靡負罪臣偶然爲伴坐相親榼傳戶罅午初
飯榻占墻隈晚自陳老屋闌囚應識我踈窻透月似
窺人相逢不用相憐惜此地劉球亦碎身

虎谷集

卷七

七

其四

坐餘還起起還行鐘鼓朝朝暮暮聲日到天窻分座
煖風生鐵戶步階清庭闌繚繞愁中夢宮闕岩巉望
裏情獨有胸中耿耿在江湖廊廟總來輕

博通齋稿卷之八

梁榆 虎谷王雲鳳應韶父著

九日登榆林孤山堡城樓驟雨有懷仲平用晦

諸君子

塞外危樓有路通十年書劍老英雄飛雲忽送孤山
雨短髮遙吹北海風道在古今行不易身於俯仰愧
無功多愁對酒不能飲把菊登臨憶數公

晚步天津橋

山光翠壘老龍鱗故國遺墟草自新世事盡隨伊闕

虎谷集

卷八

一

水行人猶踏漢宮塵北邙高塚元無主金谷殘花不
繫春却恐杜鵑今再至天津橋上客傷神

洮州卽事次韻

十年奔走笑龍鍾苦爲思親意欲東麥酒薄難消土
瘴狐裘暖亦透山風衙無人跡塵難掃庭有民詞譯
爲通外侮不生真在我防邊何必念邊功

遊華山

塵寰名利漫紛紛到此何曾入耳聞井泛紅霞蓮十

丈泉生香霧酒三分山泉有三分酒氣味道人慣續登山譜俗

土空傳佞佛文有作寺碑極稱佛氏之盛者未向泰山小天下欲

登高頂看浮雲

贈岷州張憲副世亨時世亨將赴長安

法臺坐鎮三千里士飽民歌已六年洮水南分羗部落鐵城西控漢山川欲教夷俗全歸夏力挽文風不似邊君去長安尋舊約我歸曾未卜春前

題相承奉山房

疊石移松帶野烟偶然來坐晚涼天山房真有山家趣欠我藜床半日眠

虎谷集

卷八

二

出城

兩鬢塵埃也出城春畦處處水流聲漫穿綠樹陰中去憶得家鄉山裏行

題通渭王宗器東墅

墅有留雲鳴時月龕

墅名東墅在城東野色全歸一墅中留鳴煖雲春草樹貯龕明月夜簾籠門前問字青衿子坐上鳴琴綠髮翁欲向主人問名姓王維詩畫總能工

寄贈周司徒先生致仕

直言何暇計身危宮宴民田帝罷之成敗付天難逆

觀是非於世本無疑廣州書著歸家後司馬名高在
洛時却恐蒼生望恩澤東山不放久棲遲

過白樺嶺

半日行難盡高低險復平草深疑地軟雨罷覺雲輕
空谷騶輿過深林虎豹驚山頭聊縱目萬里一川明
題岷州梅川館壁

霏微煙雨送秋寒倦愛幽窗一榻閒學語嬌鸚鵡午
夢移床煎茗看青山

宿李氏山庄二首

臨洮

虎谷集

卷八

三

曉愁雨滑岡頭石暮厭風吹澗底沙溪上水田通一
路應知不遠有人家

其二

石磴高攀數十層柴門俯瞰萬山青明朝城市逢人
處先問曾來到未曾

文縣題壁

石磴攀緣上江流咫尺間我今行者路人不到之山
秦蜀陰平道華夷玉壘關臺端布恩德羶毳總同懽

過乾州

道上行人歇馬時
空山處處有殘碑
乾陵故事應無數
只問當年寶女祠

秦州有懷宋惟寅胡用晦二兵備次壁間韻

宦途未了奔忙債
又挈妻孥隴外遊
滅寇愧無充國計
感時惟有杜陵愁
故人相見歲年晚
旅舍獨吟風雨秋
欲向飛鴻傳一札
滿塘蘆荻恨遲留

題馬四首

曾經百戰出邊頭
老放南原晚不收
爲問主人今在否
將軍多日已封侯

虎谷集

卷八

四

其二

前年得之大宛野
有人相曰此龍也
漢家苜蓿春飽餘
須付天下能騎者

其三

霧鬣風鬃自有神
天閑十二更無倫
千金不用君王價
只願常留識馬人

其四

獨立團團似黃鵠
當面雙蹄削碧玉
飄然自有萬里心
玉勒金鞍莫裝束

次東坡雪韻 二首

滿積平原已沒鴉，忍寒開戶覓柴車。
鮫人十萬揮珠淚，神女三千散寶花。
大地鏡光天照影，巴江春浪海為家。
趨朝欲步長安陌，先問行人路幾叉。

其二

弱瓣如花放六纖，透窻聲勢逼人巖。
西崑夜剖千山玉，北海春生萬木鹽。
胡中有木鹽僧屐滑愁迷舊齒，市樓危恐墮飛簷。
豐年欲譜農家曲，禿畫吟毫幾凍尖。

孝宗皇帝挽詞次太僕少卿儲囑 二首

虎谷集

卷八

五

圖治心方切，乘龍去不留。詔開三日哭，服脫百年憂。
率土思宏澤，諸臣仰聖謀。且言十八載，曾有一盤遊。

其二

九重坐清晏，萬里燭幽陰。禱雨齋初罷，憂民疾轉深。
渴求仙掌露，帝渴極索水淚灑御床金。畏是庸醫誤，

微臣極痛心。

宿黃金渡 在漢中羊縣

馬踏雲窩裏，人穿石罅中。天因秦嶺狹，山為海江空。
明月池邊雨，黃金渡口風。野亭門不鎖，滿地夕陽紅。

其二

幽亭戶掩殘燈火久坐寒生天寂然吟罷新詩無處
寫月明獨枕漢江眠

晚坐聞鴈約張用昭登金童山

山在岷州

春雨生泥罷出遊小窻踈竹晚來幽家書每向烏占
喜客枕那堪鴈送愁幾日吟毫曾著硯經年文案是
埋頭故人欲共壺觴約一上金童百尺樓

益綿壽祉卷

嘉謨父沒而母在堂褒詔有
益綿壽祉之語故取以名卷

晚來褒詔下承明母氏劬勞此日情髮薄翻嫌珠翟

虎谷集

卷八

六

冷先教滿額抹烏綾

其二

萱花閑愛手親裁事事無憂稱老懷鄰媪不妨時過
我吾兒頻寄俸錢來

其三

邊頭少有江南客隔歲家書到五原書言老母春來
健氣力猶能抱大孫

時嘉謨在五原

哭胡用晦

陝西僉事名倬
廣西桂林人

燭下作書猶寄我鷄鳴便死竟何為千里吊喪惟有

淚一春極痛不能詩孤兒幼婦行囊薄瘴雨蠻烟旅
櫬遲昨夜分明來夢裏掀髯笑語似生時

次韻惟誠述懷之作兼寄山東惟正

懶病春來入背腰好山何處買堪樵聞君近日思湖
海愧我多年戀市朝遠道有書通問訊陋風無計變
荒要山東更是停雲地欲買千鍾一醉堯

博趣齋稿卷之九

梁榆 虎谷王雲鳳應韶父著

臨洮有懷蘭州彭濟物次希賢李提學韻

空庭獨住興遲遲 白雪黃花亦自宜 時八月十七病
二六雪開菊

裏得閒惟欲睡忙中過此久無詩 何年匹馬辭官去

故里秋風動客思 可奈懷人頻入夢 停雲咫尺大河

陂 濟物住黃河岸

臨洮摩雲嶺

路襲香蕪幾曲深 攀緣更上百千尋 遠歸中國分夷

虎谷集

卷九

一

夏雄峙西垂閱古今 風樹只疑龍虎鬪 石泉還訝雨

雷侵地寒似少陽 光照無限憂民感慨心

蘭州

百年邊郡依秦塞 萬里神州擁漢關 城壓風濤星宿

海樓傳烟火 賀蘭山詩書燭影連 歌誦車馬鷄聲動

往還禾稻秋來遍 原野家家流水碧潺湲

邃庵楊公名常君承恩巡按察院之亭曰思亭

作詩一首留別次韻為贈 代爾司作三首

吏事何妨文事兼 書聲深院出疎簾 只知開卷聖賢

對自遣聞風虎豹潛發廩濟飢親歷遍隨車得雨頌
聲僉獨慚潦倒成何用華髮春來出帽簷

其二

胸襟自是出塵樊堪爲吾皇撫一藩吏散讀書移小
座飯餘挾矢向西園察微雖盡心原恕念舊多謙德
更尊王旦韓琦勲業重每逢客處愛談論

其三

判筆如飛豈用思簿書全不礙吟詩心如賈誼長憂
國才似姚崇欲救時風采只今人共仰姓名當日帝
虎谷集 卷九 二
先知從來輦轂須彈壓豹尾車旋去莫遲

其四

名利何曾一入思案頭惟是有書詩民心益戀將歸
日臺法全如始至時關隴鷺車天子召京師聽馬路
人知清風驛館無餘廩父老都言見此遲

留別張用昭

次前韻

君在秦中繫我思我思便取讀君詩東來落日相逢
處此後秋風獨往時世有常情真可笑心非同道豈
能知與君十載通家舊訪我休來虎谷遲

謁先壘有作

遊子歸來兩鬢華，獨隨父老步岩呀。清泉出澗鬼神

鑿先壘東岡正德九年忽出一泉老樹同根龍虎拏。始祖四子各種一樹今合爲一

根盤屈甚奇三十六峯皆拱護，東西南地最幽遐。須知忠

孝傳家事，祖澤蟬聯詎有涯。

再到邵陽看竹

此君重復見，似有故人情。歲久節愈勁，春來笋自生。
新枝含雨潤，疎葉散雲輕。相對不知夜，華山孤月明。

送客

虎谷集

卷九

三

春濕蒸雲雨，散絲飄飄游。子別離時愁看陌上青青草，送盡行人總不知。

題許由棄瓢圖

天下於身本無累，何須逃遁住空山。匏瓜自是無聲物，却被先生挂樹間。

書隴州故關巡檢司壁

泉聲樹色擁行車，問到關頭吾祖家。故事尚傳當日叟，近年初改舊時衙。前山鸚鵡何言語，別院梧桐幾歲華。塚上有松今已拱，不堪揮淚夕陽斜。

先祖諱義成化二年任陝西隴州故關大寨
巡檢考滿告致仕卒於家二十三年贈吏部
驗封司主事宏治三年贈奉直大夫驗封司
員外郎十年贈太常寺少卿十三年贈戶部
尚書十七年夏六月九日陝西等處提刑按
察司副使整飭洮岷等處邊備 孫雲鳳 謹書

秦州逢隴州閔允中

握手關頭夕照紅
寥寥孤鴈渡長空
莎平初罷昨夜
雨野曠不知何處
風鸚鵡飛來看隴
止鳳凰鳴合自

虎谷集

卷九

四

岐中十年憔悴君何往
一日離愁我向東

岐山道中

岐下山川自不同
西來瞻眺未能東
地非漢故空陵
寢民是周餘近鎬
豐欲聽鳳凰鳴
曉日又看禾黍動
秋風平生吊古情
無極千載興亡一望中

謁休庵王司馬祠

數百年來一俊英
乾坤何處不知名
鐵衣禦虜人皆
壯赤手屠奸帝亦
驚南甸閩闈思父
母西垂部曲號
神明黑頭乞老誰
能挽却使虞廷瓦
釜鳴

雙鶴前導

遼庵楊公謁正學祠因過書院院中雙鶴整
步前行左右相對若導引者自書院二門至
分司堂上而止次楊公入關詩韻以紀之
填巷衣冠斷往還仙禽亦有意相關下堂共引墀中
道入座分趨屋外山整步似嚴今日禮回頭應認舊
時顏招呼欲問翻成嘆飛上松梢不可攀

子午谷

馬前銅笛轉山頰樹底行沿漢水濱又喜晚炊來子
虎谷集 卷九 五

午曾經春雨憶庚申

庚申正月到此

采茶詞苦穿林女放獺

聲高蕩樂人却恨妖容幾喪國拂衣猶有荔枝塵

水邊

人放獺取魚子午谷唐取荔枝路

思榮宴歸圖爲呂郎中作次王侍郎茂學韻

有詔開筵禮部衙登堂揖讓坐無譁巾袍進士皆持
笏冠珮諸公總戴花美酒頻來良醞暑清歌盡出教
坊家柳垂桃綻長安路宴罷歸來意氣賒

次吉惟正山居有作韻

清尊獨共白雲斟雨過微涼受滿襟野坐但教長對

客書齋何必要藏金月來庭竹婆娑影風拂山泉斷
續音今日紫薇花似錦一枝誰念在空林

灞陵別諸生

七年兩度領生徒淺薄深慚教未敷自是文章關氣
運敢將道德作師模三秦豪傑周多士八郡絃歌魯
有儒莫苦追隨終是別秋風斜日灞陵途

黃河西岸別胡鑑牛斗韓邦奇邦靖

曉看太華半山雨晚步黃河兩岸風七載宦遊無可
述一時佳士遠相從談經訓話詞章外論道精粗巨

虎谷集

卷九

六

細中此地不堪重回首沙雲初起夕陽紅

蒲州普救寺別景良弼

古寺秋風酒一杯河聲山色坐中來相攜更上高原
望多少園亭畫裏開

次王宣溪韻贈愈光

病目相求到佛堂隔簾晚日正蒼蒼論詩總愛杜工
部學字曾臨朱紫陽過我偶然留共飯劇談何者數
呼郎巍冠緩步長安陌多少行人看拱翔

次遂庵先生韻送希大

篆迹詩病賴君修君有才今第一流秦晉合歸平子
賦山川都入馬遷遊一尊別我愁應結千里尋詩願
已酬東去牽攀總無計片時欲借華峯留

次希大留別韻

仙旆遙瞻隔岸船此遊真足壯山川詩如杜甫高難
學篆似陽水妙不傳曉色遙開秦嶺樹晴光忽起灞
陵烟追隨千里何堪別一夜心飛上黨前

虎谷集

卷九

七

博趣齋稿卷之十

梁榆 虎谷王雲鳳應韶父著

謁孔明祠

中原無處不兵戈，獨向江頭抱膝歌。
醜女只將才作配，將軍須待駕頻過。
圖中龍虎真難測，身後桑田未肯多。
兩表久無曹父子，一星還殞漢山河。
青天白日神長在，宋碣唐碑字欲磨。
寂寞荒祠儼遺像，行人不去意如何。

贈陝西巡按秦民望遷保定知府走筆次強長

虎谷集

卷十

史景明韻

二首

去歲春來今及秋，一時名重此山邱。
除姦力似千鈞弩，容物心如萬斛舟。
郡縣每驚傳號令，閭閻頓喜免誅求。
送君欲酌寒泉水，曉露清霜作脯羞。

其二

驄馬重臨識姓秦

先在陝西盤糧

三秦山色一時新，日長村

巷門無吏秋盡邊，關騎不塵此去聲名留野頌。
向來風采動朝紳，漢家黃霸終爲相，未必今人讓古人。

庚午正月十一日郊祀分獻帝王壇

聖代最歲郊社禮儒臣叨獻帝王壇殿開樂奏迎神
曲駕過班聯助祭官十六位分同俎豆自伏羲至萬
元世祖

千年共仰衣冠焄蒿真見洋洋在一寸精誠已極殫

送柴墟致仕正德庚午春二首

柴墟一病辭官去江上春光似有期十載風塵翻應
別半生踪跡最難知祇憐客舍養親晚未信名人得
子遲今日君恩何以報會看身健再來時

其二

柴墟每愛評人物此是何等之襟期一別數年勞瘁

虎谷集

卷十

二

想相逢無語只心知時劉瑾用事河開忽報辭朝去馬病

深慚出餞遲海內交遊今有幾追隨應趁黑頭時

送曹益之西歸

儒家詩禮將家兵信口高談滿座傾冀北麒麟今讓

價江南草木舊知名益之曾遊江南雲山每憶故人面風雨

那堪此日情聞道朔方傳羽檄從容籌策在茲行

送戶部尚書劉用齋致仕

近山本是讀書人偶入塵埃悞此身名利紛華雲漠

漠歸時一似到時貧

次翰林劉舜卿韻 四首

二十餘年祇浪遊長雲漠漠水悠悠今朝始得歸家
去家在太行山上頭

其二

君家交誼已多年最美文章父子傳字不經師皆古
老詩非着意亦新鮮

其三

世事難於陸地舟何如扶杖看田頭秋來病不能騎
馬賣馬歸家買一牛

虎谷集

卷十

三

其四

十日餘程便到家頭巾新浣舊時紗閑中得句將誰
寄先寄長安劉探花

吳主事廷勉先以考察降調國子監博士劉瑾
死改正仍食六品俸予歸山廷勉乞詩雪中

作此

蒲田博士吳廷勉每究遺經至夜殘帳下生徒留不
去世間名利似無干九重詔許新加俸六品銜依舊
改官太學半年勞補助那堪離別雪漫漫

聞伯安自貶所召至京

一別天涯經幾載多憂應是不勝癘朝陽曾覩岐山
鳳明月遙歸合浦珠報國心勞難措手在堂親老莫
捐軀年來學道今何得可寄微言滿紙無

曹繡衣奉勅閱試邊關時正德七年五月也事

竣回朝作此送別

齊魯同遊憶昔年偶逢皇命遣巡邊帳前弓箭三軍
月臺下風霜五月天正喜鷺車來赫赫忽看驄馬去
翩翩中原莫道無征戰却恐貪饕未改絃

虎谷集

卷十

四

送解銀張主事歸蒲省親

六轡西飛擁節旄出關風雪未辭勞文章自得山川
秀名姓頻題甲第高邊塞喜看金作餉庭闈欣見彩
爲袍皇家使者非無事須采民風達聖朝

趙女

賊射其一目斷其一臂
而死以下四人俱潞州

顛墜雕鞍誓不行衆憐玉貌喜還驚眼明睨賊睛投
地臂奮迎刀血射營一路罵聲惟至死明朝面目尚
如生兩年被虜誰家女笑語看人半醉醒

袁女年十六歲

幾人全節亂離世此女捐生幼穉年可怪雄山靈不
祐竟同程氏死堪憐袁女與程氏同避雄山賊來逃避將軍怯

筆下褒揚戚里賢我欲題詩吊貞烈一邱風雨草芊

芊

程氏 賊倒曳之里餘

肩輿高坐太平人賊報飛傳却被嗅豺虎到山翻得

勢鷓鴣入網豈堪馴玉膚綻裂隨沙石猩血淋漓染

路塵却笑山東冠帶國驅車策馬去朝秦

平氏 投井而死

虎谷集

卷十

五

山前翠黛走縱橫投井遙令賊盡驚百尺香泥珠不

浣一泓清水月長明此生身獨關風化數日人皆識

姓名女子翻能生草野丈夫幾見出衣纓

贈遼州守楊澤民

上黨春寒草木遲喜聞官長惠無私萬千山裏來何

暮二十年來再到時兵火幾經先軫廟風雲長護祝

融祠因君欲訪遼陽勝可奈公家事有期時予將赴山東

神劍

寶劍愈磨鋒愈利只因本性最精堅若教正氣能磨

得孟子何爲說浩然

題致仕禮部同老孫彥明鳳山書院

天下雖多湖海勝邊頭亦有鳳凰山雲霞低覆仙人
住猿鹿都隨野客閑小小交遊驚鶴髮彫零僚友憶
鴉班高名正爾人傳誦不用思鄉便欲還

合山奇泉

四月清和雨霽時來攜父老拜禱祠

四月四日慈濟聖母誕辰故云

簷前燕雀多新壘橋畔松楸只故枝環抱東南壁
合周廻三十六峰奇靈泉瓦甃經今古旋渴旋流誰
虎谷集

卷十

六

使爲

同喬白巖胡菊水遊華山白巖登西峯絕頂余

與菊水先歸次菊水韻

欲剪溪頭一段雲陳搏洞口坐清風
裂石寸步險山到中天咫尺分日月崖寒晴作雨
寂如曠白巖獨登西峯頂費我招呼揔不聞

遊石門峽 二首

一代經綸誰手段萬山泉石我襟期民租旣了吏歸
後社酒初成客到時曉望遠隨天漠漠春閑偏愛日

遲遲麻鞵麥帽枯藤杖數卷圖書老不衰

其二

濟世無能合罷官百年容我一柴關花香近繞讀書
處雲氣長生坐榻閒容易豆羹榆鬻飽自然谿鳥野
翁閑春游帶斧聊尋藥午睡開門亦看山

遊石門峽與白巖

喬少保聯句 六首

滿山旌旆迂尚書

王鳳

還爲中丞訪舊居桑梓百年

連蔭澤

喬

雲烟雙鬢老樵漁閒中尚有憂時念

王鳳

野外豈無供客儲笑語怪來留竟日

喬

江南一別幾

虎谷集

卷十

七

居諸

王鳳

其二

綠樹森森響澗泉

喬

南曹詩興最超然千巖萬壑兩

笠子

王

百歲幾人雙錦鞵度嶺片雲生脚底

喬

投林

飛鳥過人前何年再續看山約

王

細認苔莓石上篇

喬

其三

山上長風受滿衿

王

好奇隨處且登臨懸崖有寺空

中出

喬

古竈遺丹洞裏尋匝地寒烟口欲下

王

連天

芳艸霧初深，褰裳踏遍籐蘿徑。
王拄杖搜窮虎豹林。

其四

歷歷嵐光眼纈明，
喬覆頭麥帽著風輕。
蒼松老柏幽人趣，
王涉水登山道者情。
可是巖深堪避世，
喬止緣身狀欲逃名。
感君百里相過意，
王愛向栖鶯聽友聲。
喬

其五

走馬吟詩按轡書，
王髯仙健興復誰如。
雄談便覺風

虎谷集

卷十

八

雲繞，
喬多病唯將參朮儲。
白髮愧無匡世手，
王碧山須有傍巖居。
向來看盡浮雲態，
喬富貴功名念已除。
王

其六

久向名山感地靈，
喬行間樹底水泠泠。
雨餘近愛雲堪卧，
王酒罷涼便石可醒。
蘋藻歲時常入祀，
喬羽毛州郡每充庭。
百年獨愧誰稱傑，
王共說

五經

喬

遊懸空寺聯句 二首

千丈飛崖石倒垂喬酒酣偃僕亦題詩白雲片片來

無盡王青嶂亭亭屹不移南有齊雲堪並駕喬北看

古柏可同奇齊雲古柏 俱巖名塵襟頓覺空如洗王一覽蒼

茫興未涯喬

其二

萬山培塿手堪摩王俯看烟雲罩薜蘿鬼斧有痕開

石髓喬仙槎無計泛銀河雄風繞樹聲難斷王絕磴

盤空勢不頗却愛招提最高處喬留君不住奈君何

王

虎谷集

卷十

九



